

欽定大清會典事例

欽定大清會典事例卷一百十六

吏部

處分例 考覈學政 考覈教職

考覈學政○康熙二年題准學政據教官舉報劣生不行盡法懲處者一名降四級調用二名革職○十八年議准提學有積習十弊一童生未經府考冊內無名錯求學政徑取入學巧圖捷便一考試各府州縣衛所童生額外溢取撥發別學明收冒籍以占本學正額一彌封編號印簿及場內坐號紅簿不發該府州縣封存乃

收存學道署內。私查某卷某號係某人對號賄賣。一考完一府。不將紅案速行發學。任意遲延。徇私通賄。更改等第。拔下作上。一每考一處。令書辦承差快手人等。出入過付。暗訪生員稍有家資者。先開六等考單。嚇詐保等有銀送入。准放三等。一丈童額少。武童額多。將丈童充為武童。入學之後。夤緣改文。娼優隸卒。濫行收取。善騎射者。擯而不錄。一各府地方。設有考棚。憚於親往。將生童遠調考試。其各州縣告病生員。扛擡驗病。困苦難堪。一縱容無賴教官。包攬生童。

私通綫索。效勞分潤。名為作興。大壞風教。一曲  
徇上司同僚情面。並京師鄉宦私書。及親屬朋  
友。隨往地方。討情抽豐。將孤寒之士。棄而不錄。  
一報部學冊。將額外濫取入學之童生。未經科  
歲考試。豫附三等。其姓名不入新案。造入事故  
衣頂項下。以趙甲頂錢乙。混作實在之數。咨報  
禮部。嗣後考覈學政之時。均註剔除此十弊。若  
不能剔除此十弊者。該督撫指叅。有貪贓之弊  
者。照貪贓例革職提問。如無貪贓之處。照才力  
不及例降二級調用。今改為照不應重杖八  
十私罪律降三級調用其

考覈疏內不註剔除此十弊字樣並未有剔除而註寫剔除者由部查出或科道糾叅果實將該督撫照不報劣員例降三級調用至督撫有需索陋規者被科道糾叅果實將該督撫亦照貪贓例處分至上司同僚京官鄉宦私書及親族朋友隨往地方討情抽豐府州縣官傳遞私書鄉紳投刺請席者督撫科道題叅有官者革職無官者交刑部治罪○二十五年議准學政考試遲延限內不能完結者降一級調用○三十一年覆准學政或有將祠生贊禮生額外濫

行批設者。照濫取入學例議處。今改為降一級調用○三

十九年議准。凡督撫勒索學院棚規。司道需索常規。及學臣與者。皆革職提問。如有勢宦京官請託。及教官巡捕進士舉人說情。並書吏早役之類。討賞事發有官者。革職提問。無官者從重治罪。若學臣徇情市恩者。亦革職一併提問。知府如有包攬入學童生。要挾抑勒。將文理不通之童生考送者。或學臣申報。或督撫指叅。將知府革職提問。學臣與提調知府扶同作弊者。一併革職提問。如督撫不行查叅。學臣不行申報。

者皆革職再督撫如有藉考名色及開送秀才  
童生者照勒索棚規例治罪知縣有賄薦案首  
及各官效勞分肥提鎮等官說情並學臣扶同  
事發皆照例治罪如學臣遇有挾制干情者准  
徑封具奏上

聞再姦胥猾吏如有勾通惡劣蠹棍勢僕私親密友  
招搖者令該地方官查拏照光棍例治罪再祖  
父伯叔父兄為子孫弟姪營謀者事發除本童  
責革外祖父伯叔父兄有官者革職無官者從  
重治罪○雍正五年議准提調官如聽學政貪

墨通同作弊及引誘為非者。一經發覺。將提調官照貪官例。同學臣一併革職。提問如學臣暗通關節。私鬻名器。提調官雖無通同引誘情弊。而防範不嚴。照溺職例革職。如有猾吏姦胥。招搖撞騙。以及受賄傳遞等弊。提調官不行訪拏究治。別經發覺。將提調官照失察衙役犯贓例議處。儻學臣操守清廉。杜絕情弊。而提調官不得遂其引誘。反行挾制把持者。准學臣即行指叅。審實。將提調官照貪官例治罪。○七年

諭士子者。百姓所觀瞻。士習不端。則風俗何以得厚。是



以考課士子。設立舉優黜劣之典。以為移風易俗之道。所關亦綦重矣。而無如教官愚懦無能。學臣因循苟且。往往視為具文。奉行不力。每當學臣按試之時。教官輒以無優無劣。具文申詳。草率塞責。如此則善者何由而勸。不善者何由而懲。夫善者之湮沒不彰。一時尚難覺察。而不善之人。倣幸苟免於目前。不旋踵而劣迹敗露。每見蕩閑踰檢犯法亂紀之士子。皆從前學臣教官之未曾開報劣行者。其間情罪雖難一一追究。然即此可知其中之容隱不少矣。嗣後若教官沽名邀譽。縱容劣生。不行舉報者。經學臣查出。

立即指叅將教官照溺職例革職。若學臣瞻徇情面不行糾叅者。一經發覺。將學臣照徇庇例降三級調用。將此永著為例。○又議准貢監生員拖欠錢糧。經州縣等官申報學政。即行黜革。照民例治罪。如學政徇隱不報者。降三級調用。○又議准官生錄科。學臣秉公嚴加考試。不許瞻徇情面。濫行錄送入場。如官卷內有文理荒謬。俸邀科第者。發覺之日。將送考官照濫行收考例議處。○十三年覆准槍手入場。經學政飭發鞠審。儻該提調官不實力嚴緝。照軍犯脫逃例。初叅罰俸六

月再限一年緝拏限滿不獲罰俸一年。照案緝拏至槍手日久潛歸而原籍地方官漫無覺察。仍聽應考。或再經作弊事發者。照軍犯私回不行查出例。將原籍地方官罰俸一年。○乾隆元年覆准學臣考試地方如有姦棍聚衆生事陵脅官長等情。學臣係封鎖衙門內外隔絕無由禁緝。該提調及地方官並駐防武職等官立即協拏務獲。審實照例分別首從治罪。若提調及地方官事前不能豫先禁止。事後又不嚴拏及批審之後。徒以一二軟弱無辜抵塞結案者。聽

督撫學臣據實題參交吏部嚴加議處今增為照刀民

聚眾例降三級調用武職交兵部議處其廩保不加詳慎

濫保匪人以致場內生事者將該生襖革○又

覆准直省選拔貢生咨送到京

欽點大臣嚴加考試今增督撫該學政不秉公覈實有

徇情冒濫等弊及咨送到京考試有學問荒陋

人品不端才具庸劣者除本生襖革外仍將該

學政照例分別嚴加議處今增為有將文理荒謬品行不端才具平

庸徇情拔取者降二級調用如文有疵累不稱拔貢之選者均照混行送考例降一級調用

○又議准生員偶有過愆止應戒飭者地方官

會同教官照例在明倫堂扑責。如有擅自呵叱

飭責者。聽學臣查叅。以違例處分。今改為降二級留任。因而

致死。者降二級調用。故其有肆行不法等事。該

地方官一面查拏。一面申詳督撫學臣。革退審

理。如地方官挾私妄報。查出將地方官照例分

別叅處。如係生員恃衿橫行。嚴審按律定擬。

四年覆准。各省學政將欠考各生。務令按次補

考。即於彙報歲科學冊內。分別補考一項。逐一

細註。以憑查覈。如有將數次止考一次。及徑行

附等之處。即照徇情例議處。今增為係蒙混。降一級調用。

二十四年覆准各省學政發審事件。一面發提調官訊問。一面咨明督撫稽察。提調等官仍行具文通報。除例應當場完結者。聽提調官隨時發落。報明學政完結。並報督撫銷案外。其加責以上罪名。俱照例擬議。一報明學政。一詳解藩臬覈轉。督撫分別批結咨題。如提調等官奉到學政批檄。不行通報。除罪有出入。分別故失。照例叅處外。即罪無出入。亦照應申不申私罪律。罰俸九月。今照公罪律改。為罰俸六月。○二十五年覆准場外平民生童人等有藉稱買求考取名色。撞騙

招搖不行查拏。別經發覺者。提調官免其查議。

今增為罰俸六月將失察之地方官。照失於查察例。罰

俸一年。如有徇隱姑容等弊。照徇庇例。降三級

調用。至提調與地方官。果能實力查拏。將罪犯

全行拏獲者。將全行拏獲之官。紀錄一次。今增為若

但經破案。案審辦。案犯未能全獲。免其處分。○三十七年。奏准地方官

果有不公不法。陵辱士子。及縱役毆辱等情。生

童等身受其害者。准赴該管上司衙門控告。審

實。即將地方官題參。按其情罪之輕重。照例議

處。儻該管上司袒護地方官。不行准理。或徇情

營私。割斷不公者。將該上司從重議處。如有聚眾罷考。挾制官長等事。除將同行罷考之生童照例懲治。地方官及該上司均照刁民聚眾例查辦外。將董率無方。不能約束之該教官。照溺職例革職。僮學臣市恩邀譽。暗中寢息。或將罷考案內之人。濫行收考者。該督撫查悉。將該學政照徇庇劣生例革職。該督撫通同徇隱者。一併嚴處。今改為降僮於生童罷考之時。教官畏懼處分為之調處。寢息其事者。一經查出。將該教官革職。交刑部治罪。○四十年



諭據徐績覆奏體訪該省學政一摺。內稱現任學臣莊存與抵豫未久。容悉心體訪。屆期據實具奏等語。殊不曉事。朕前諭各督撫於學政差滿回京時。各就所見。秉公據實密奏。原指四品以下之翰詹科道部屬等員。或其才具有可備道府及兩司之用者而言。若侍郎閣學及三品以上京堂。皆朕所簡擢。其平日能否辦事。素所深知。又何必復藉督撫之體察。況三品以上官階已崇。亦斷無因督撫奏其嫻於吏治。轉用為道府及兩司之理。今徐績既有此奏。恐他省督撫亦有似此。未能體會朕意者。著再傳諭各督撫。嗣後

各省學政如係四品以下人員均於其任滿時據實查覈分別密奏若係三品以上大員如考試不公不法之事即隨時糾叅不得稍存瞻徇至其任滿回京止敘其在任聲名若何毋庸將其才情是否堪勝外任之處瑣屑敘入○五十三年

諭據大學士九卿等議覆御史條奏申嚴學政考取拔貢事宜已依議行矣至摺內稱令各該督撫隨時稽察如陽奉陰違即將該學政叅處等語學政按考各屬地方俱係督撫所轄如果該學政有考試不公賄賣生童等事各督撫耳目甚近自無難訪查得實前

經降旨通諭各督撫。令將學政中之貪汙者。據實指  
參。但外省習氣。往往存官官相護之見。督撫等即明  
知學政聲名狼藉。仍不肯據實參奏。若非瞻顧情面。  
扶同徇隱。必係各督撫在任。別有貪汙款迹。恐被學  
政訐發其私。遂而意存顧忌。不敢列入彈章。二者必  
居一於此。方今綱紀肅清。督撫等俱受朕厚恩。簡畀  
封圻重任。自宜潔己奉公。為通省官員表率。何至尚  
有欺檢營私之處。慮人指摘。惟是督撫等公正自持。  
者固不乏人。或竟有操守平常。轉被學政挾持其短。  
遂不得不聯為一氣。互相彌縫。或惟知瞻徇私情。罔

顧公義於各省吏治學校甚有關係嗣後各督撫惟當益勵廉隅正己率屬設遇學政有貪汙實迹即行指名糾劾若仍事徇隱緘默不言或別經發覺除將該學政按例治罪外必將該督撫一併從重問擬決不姑貸並令督撫於年終將學政等有無劣迹陳奏一次若至別處發覺則此不舉之督撫當得何罪著自審非朕不教也○五十七年覆准州縣考試童生除徇情賄囑並任聽幕友書吏勾通舞弊等事另行據實嚴劾外其有將文理荒謬不通之卷任意錄送至五十本以上者聽學政咨送督撫

查覈屬實。將原送之州縣。照混行收考例。降一級調用。濫送之府州。一併照例議處。○五十九年

諭。前因學政考試生童。於衡丈取士。未必悉能公當。是以降旨。令各督撫。將該學政在任有無劣迹之處。於年終陳奏一次。原以重防閑而嚴查覈。乃近年以來。各督撫於學政考試。多以並無劣迹一奏了事。竟若具文。若果如所奏。則從前如謝墉。吳玉綸。潘曾起。徐立綱之聲名。平常致滋物議者。又獨非該督撫具奏無劣迹之學政乎。是各省學政中。清慎自矢。甄拔得

當者固不乏人而關防不密約束不嚴甚或有敗檢營私之事者恐亦在所不免各督撫近在同省無難訪察得實於年終陳奏時自應就見聞所及據實直陳方為覈實之道若不問其平日聲名若何率以並無劣迹具奏竟成印板文章又安用該督撫查奏為耶。今各該督撫相沿故套率以虛詞敷衍塞責朕亦姑置不論設將來學政中有營私舞弊之事或經朕訪聞或被科道叅劾一經發覺惟該督撫是問不僅治以徇隱之罪也○嘉慶五年奏准官員將黜革之人及混冒流徙安插人犯嫡屬子孫並奴僕娼

優及曾充阜隸禁卒之子孫收考者降一級調用。知情者不准以級紀抵銷。不知情者准其抵銷。至該教官於各項出身不正之人考試入學後不行詳查遽行出結亦降一級調用。照地方官例分別抵銷。○十一年奏准歲科考前列試卷有未知敬避

廟諱雖經缺筆及直書

廟諱並未缺筆者學政雖均經圈出每卷罰俸六月如詩少一聯者未經抹出罰俸六月詩出韻失粘並字句欠妥或對策失口氣者學政未經抹出

大省每卷罰俸三月。小省每卷罰俸兩月。已經

抹出者免議。

直隸。江南。浙江。江西。福建。湖北。湖南。為大省。其餘俱為小省。

○

十三年奏准巡撫帶署學政事務。即行考試者。罰俸一年。○又奏准學政誤以歲貢作恩貢。以恩貢作歲貢者。罰俸六月。○二十年奏准鄉試諸生。本身並無應得官卷。捏稱出繼歸宗。恩撫及本官已經降革。而子孫弟姪猶指稱官卷入場。所指之官知情者革職。本生斥革治罪。教職及州縣官均降二級調用。知府直隸州知州降一級調用。道員降一級留任。罰俸一年。布政使



降一級留任督撫學政罰俸一年。○道光八年諭吏部議將福申照縱客家人長隨招搖詐騙例革職。福申以視學大員關防宜如何慎重乃不能嚴行約束家人致蕭三種種恣橫倚勢妄為豈竟形同聾瞶從前陳嵩慶奉差典試伊家人於途次逞兇滋事雖經釀命事起倉猝尚得謂之失察若福申到任兩年有餘屢經出棚考試於蕭三到處詐索肆行無忌斷不能諉為不知又豈失察可比福申著即照部議革職。○十五年

諭向來各直省學政閱文幕友不准延請視學省分之

人至該學政延請本籍幕友。原屬例所不禁。本日據鄂山將四川學政王篤閱文幕友姓名籍貫。照例開單呈覽。朕詳加披閱。該學政幕友六人。均係陝西籍貫。而籍隸韓城者居其五。實向來所未有。學政有教育人材之責。校閱自宜公明。而防弊尤須周密。若幕友盡係同鄉。不但易滋物議。設遇有通同舞弊情事。稽察更恐難周。不可不防其漸。著王篤即將現在幕友酌量更易數人。並隨時嚴加查察。以肅關防。嗣後各直省學政。務擇品學兼優之士。襄校文字。不得專用本籍之人。致滋流弊。○十六年

諭前因御史鄭世任叅奏湖南學政龔維琳信用門丁顧四隨棚索賕並索加棚規勒繳自刻詩賦價銀等情當降旨交趙盛奎查訊究辦茲據該侍郎審訊明確定擬具奏學政為士林表率自應公正廉明關防嚴密方為無忝厥職此案湖南學政龔維琳雖訊無加索棚規等項情弊惟該學政衙門丁役無多何難稽查約束乃於門丁顧四到處挑斥需索毫無覺察並將自作詩賦刊刻板片存留書鋪任其刷印售賣大屬非是龔維琳著交部嚴加議處○又

諭上年因四川學政王篤閱文幕友六人均係陝西籍

貫。曾經降旨。令該學政酌量更易數人。以肅關防。並通諭各直省學政。嗣後不得專用本籍之人。致滋流弊。該督撫學政。自當共見共聞。恪加遵守。本日據梁章鉅將廣西學政丁善慶幕友姓名籍貫。照例開單呈覽。該學政幕友五人。均係湖南籍貫。前降諭旨甚明。該學政豈未之見耶。丁善慶著交部議處。仍著更易數人。以肅關防。梁章鉅於該學政延請同籍幕友。並未阻止。亦有不合。著交部察議。○二十四年

諭。李純奏請酌增奉天學額一摺。各省例定學額為士子登進之階。奉天設學二百年來。應考士子。自必較

前日衆然。歷任府丞。回京後。朕屢加詢問。均稱僅敷進額。且近科會試覆試及殿試朝考。該省士子並無考取前列者。今李純獨稱其文風日盛。足與別省相抗。請增學額。竟至過半。顯係市譽。於目前留名於日後。所奏著不准行。李純著交部議處。○光緒九年

諭貴州學政孫宗錫。考試安順府時。輒因供給將普定縣知縣彭億清之子鎖押。並索取童生規費。濫責生員龍登衢。復因考棚朽壞。勒令各新生捐銀修理。實屬不知檢束。開缺貴州學政翰林院編修孫宗錫。著即行革職。前貴州學政林國柱。雖查無

濫收冒考情事。惟於家丁需索供應。未能覺察。亦屬不合。業經另案革職。即著毋庸置議。○十一年諭。前據翰林院侍講學士梁耀樞。御史黃煦。鴻臚寺卿鄧承脩。先後奏。叅廣東惠州府科試幕友串通舞弊。學政葉大焯貪利無厭等情。疊諭彭玉麟。張之洞。確查具奏。茲據會同查明詳晰覆奏。此案貢生戴羅俊。薩庭蔭。經葉大焯延訂校閱試卷。明知匪徒投買。聞姓輒敢翫法營私。乘學政患病之時。蒙混取卷。圖得謝禮。雖賊未入手。僅予杖徒。不足蔽辜。戴羅俊。薩庭蔭。著革去貢生。杖一百。流三千。

里。葉大焯身任學政。衡文剔弊。是其專司。宜如何  
嚴密關防。杜絕弊竇。此案雖據查無貪黷情事。惟  
因偶爾患病。竟將閱卷委之幕友。任令勾串匪人。  
希圖漁利。已屬咎無可辭。且於提覆文章之時。意  
存苛求。缺額不補。以冀迴護。前非實屬有辜職守。  
翰林院侍讀學士葉大焯著即行革職。

考覈教職。○康熙四十三年議准。教職部選後。  
由撫臣考覈一二三等者。給憑赴任。四五等者。  
解任學習。三年再行考試。六等者。革職。○雍正  
四年覆准。各學教官所屬文武生員。果能盡心。

勸導閱俸六年之內所屬士子並無過犯該督撫學臣據實保題准其以應升之官即行升用○又議准凡計典內教官賢否皆由知府具報則教官賢否勤惰知府原有稽察之責令各省督撫轉飭各府必從實考覈如有姑息容隱將該管知府照徇庇例題叅議處○七年議准教官除錢糧拆封比較生員挖欠錢糧並州縣會審案件凡有關戒飭生員之處仍令赴州縣衙門公同辦理外其一切地方事務均不得干預儻州縣官不遵定例仍傳教官同辦地方事務



而教官違例前往干預者。一經發覺。將州縣官照將事務交與不應交之人例議處。教官照不應得為而為之律。分別議處。○又議准新進武童新案到學。教官造冊移送駐防武職備案。每月定期傳集諸生會同考驗弓馬。內有生疏者。寬限學習。限滿仍未嫻熟。面加訓飭。如抗不赴考。或託故規避。移學責做。其生事犯法者。據實會詳褫革。究擬儻教官徇庇不移。會有司轉詳學臣咨部。照徇庇劣生例革職。○又議准貢監生員包攬錢糧。將不行查出之該管官罰俸一

年○十二年覆准貢監生員果有豪橫不法行  
止有虧者地方官先報學臣褫革以便審擬一  
面咨詳禮部如日後審明無辜實係牽連者即  
詳明開復其拖欠錢糧革後全完者該地方官  
照例即詳請開復如抑勒索詐不即詳請並故  
捏情弊詳革不實者一經查出將該地方官題  
叅皆照例分別議處今改為勒捐不即詳請照  
勒捐例降二級調用索詐  
有據者題叅革審詳革不實者  
照捏報劣員例降二級調用○又議准各學  
教官所屬貢監文武生員有窩匪抗糧捏詞生  
事唆訟陷人滅倫悖理等事該教官即行詳報

州縣及督撫學臣者。免其議處。若漫無覺察。或被府州縣訪出。及旁人首告。審實不准補開。詳揭將正副教官。照溺職例革職。如府州縣官徇情面。於事發之後。仍令該教官補開。詳揭將府州縣官。照徇庇例降三級調用。若教官於此等不法生監。有受賄徇隱。及藉端勒索等弊。查出。將該教官革職。交與該督撫分別究擬。府州縣不行申報者。亦照徇庇例議處。○又覆准各學教官。按月月課。四季季考。除實在丁憂患病。游學有事故外。其餘生員。照定例嚴加考試。如

有託故三次不到者該教官即行嚴傳戒飭其有並無事故終年不到者詳請褫革如教官内不力行課試經上司查出揭報咨叅計其月課季考廢弛次數每一次罰俸三月二次罰俸六月三次罰俸九月四次罰俸一年若視為具文將月課季考竟不舉行者革職○十三年覆准文武生員如有犯聚賭誘賭等事該管教官自行查出詳報者免其議處其失於稽察者罰俸一年若明知賭博不行查報別經發覺者將該教官革職留任至教官失察士子造賣賭具即

照溺職例革職

今改為明知不報者革職。僅止一時失察者降二級調用。自行

訪出者免議。

○乾隆三年覆准各省教官有仍前勒

索贄見規禮以致舉報優劣不公一經發覺令該督撫學政覈實叅處將該教官照藉師生名色私相饋送例革職儻別經發覺將該督撫學臣照不行詳查例議處○十八年

諭向例各省教職六年俸滿該督撫學政公同甄別堪膺薦舉者保題送部引見其年力衰邁者咨部休致但督撫陋習既不肯輕保舉亦不肯多咨革是以保題者固屬寥寥而休致者亦不多見惟使龍鍾衰老

之輩。濫竽戀棧。無所區分。蓋視教官為無足輕重。初  
不計及為造士之根本也。前以選拔貢生為教職之  
階。曾降旨訓諭各督撫學政。令其加意慎重。嗣後教  
職除有劣迹者。隨時叅劾外。至六年俸滿。堪膺民社  
者。保題其年尚強壯。精力未衰。可以留任者。出具考  
語送部引見。若准留任。俟六年再滿。仍如是甄別。如  
年老人員。即著咨部休致。有願來京引見者。照大計  
之例。該督撫聲明給咨引見。至訓導一官。例止得升  
縣佐。該上司尤多忽略。嗣後甄別之例。與教諭同。著  
為令。○二十五年覆准。生員內有串通竊盜。窩頓牛

馬代寫詞狀。陰為訟師。誘人賣妻。作媒圖利者。該教官知情不報。照溺職例革職。如僅止一時失察。審無故縱情弊。降二級調用。州縣官若瞻徇教職。竟將重犯曲為開脫。貽害良善。照故出人罪例分別議處。其有士子罪犯稍輕。教官有干處分。州縣官曲為迴護。降三級調用。○三十七年奏准。貢監生員之內。如有學問優長。孝友可風。經府州縣官及上司訪聞得實。該教官勒捐不行舉報者。照溺職例革職。如該管府州縣官不行查揭。故為徇隱。被上司訪查。將該管府

州縣官照徇庇例議處。儻所舉優行並無實據。混行詳報。將該教官照舉報不實例降二級調用。○又奏准生員確有事故出外游學。照學政全書定例遵行外。儻有假捏事故。並捏稱隨任出外。該教官徇情結報。或該生父兄叔伯代為捏報。隨任者均降三級調用。若係失於查察。罰俸一年。○又奏准生員居住地方。如有霸占攔阻。私抽網利。強取民間房租者。該州縣官及教官失於查察。不行詳報。或經上司訪出。或經旁人首告。將該州縣照劣生包攬錢糧不行查出。



創罰俸一年。該教官降三級調用。○三十八年  
覆准文武生員緣事革審者。係具題之案。部文  
到日。該督撫即行移會學政。係外結之案。承審  
官於事結後。限一月內。即鈔招錄案。申報學政。  
秉公查閱。分別除名開復。如承審各官。遲延不  
報。照查報遲延例。罰俸一年。僅遇鄉試之年。因承審官遲延不報。以致該生尚未開復。有誤考期者。降一級調用。至由學詳請褫革者。令  
各該學。於奉文批革後。造具緣由清冊。牒送各  
該州縣備案。有冒充衣頂。及違禁滋事者。查明  
究治。各學教職。造送革生名冊。偶有疏漏者。照

經手遺漏例罰俸一年。有聽囑漏造及全不造冊者。照徇庇例降三級調用。○五十八年奏准文武生員有犯姦及酗酒鬪毆致釀人命者失察之教官降一級調用。無關人命者降一級留任。如有代作槍手頂名冒考等弊係在本地方考試教官當時舉發者免其議處。知情故縱者革職。失於查察者降一級調用。有在別處槍冒犯案者原籍教官罰俸一年。○道光三年奏准直省撥入府學文武生員除由附郭州縣撥入者概歸府學管束外其餘各州縣撥府生員無

論距府遠近。即令本州縣學嚴加管束。該府學一體稽查。如該生犯法滋事。將州縣學教官議處。儻有徇縱情弊。將府學教官一併查叅。○咸豐元年

諭教職有考課諸生之責。增附生員學業尚淺。驟令司鐸。不足以示矜式。著即將增附捐教一條。永行停止。至前項捐生已經選補者。應不准其濫膺保薦。其應如何酌定限制之處。著該部議奏。欽此。遵

旨議准。增附出身之教職。擬請俟二次六年俸滿方准保升。其有續經中式舉人副貢者。照例扣滿六

年以知縣保升。又議准文武生員內有窩隱竊盜起滅詞訟造賣賭具該教官訪查詳報者免議失察者降二級調用。事發之後補行詳革者亦照例議處。知情不報者革職。如府州縣官為教官迴護處分者降二級調用。○同治九年奏准地方州縣及各學教官結報節孝失於查實者降一級調用。轉詳之府州罰俸一年。若於本籍紳衿公舉後地方官藉端需索故為批駁及因需索不遂竟延閣不報者將地方官降三級調用。其止於詳報遲延者照事件遲延例議

處。光緒五年奏准直省府州縣官考試文武童生令本籍廩生一體保結如不令廩保識認混行錄送者將考試官降一級調用。又議准告給衣頂生員犯法該學教官免其議處。八年奏准教職令督撫學政設立賢否總冊如有辦事未妥經學政申飭記過者俱逐案註明行知該府其由督撫等衙門及本府申飭記過者該府亦報明學政互相登記至循分稱職曾經嘉獎者亦許學政知府互相登記離任時造入交代使新任易於考察遇

大計之年。知府即造入詳細考語冊內。以備上司查覈。如有舛錯遺漏。罰俸一年。○又奏准教官造送學冊內。將各生年貌及廩增附字樣。並丁憂病故等項事故遺漏舛錯。或冊卷互異者。俱罰俸六月。未經查出之學政。罰俸三月。如係學政彙造總冊舛錯者。將該學政罰俸六月。○十二年議准文武生員內各項滋事。致釀人命者。失察之教官。降一級調用。無關人命者。降一級留任。自行訪查詳報者。免議。如府州縣官為教官迴護處分者。降一級調用。

欽定大清會典事例卷一百十七

吏部

處分例

軍政

軍政○

國初定官員射箭不到者罰俸兩月○康熙十四年題准凡戰船官兵未坐者係交與地方官看守看守之官不行謹慎看守損壞一號二號者將該看守之官降二級留任損壞三四號者降二級調用損壞五六號者降四級調用壞至七號以上者革職各該督撫提督總兵官等仍委

道府副參等官不時巡查其官兵所坐之船若殺賊以先或敗賊以後閒住之時交與各該督戰各官謹慎看守不致損壞大將軍將軍等並參贊大臣仍委參領總兵官等不時巡查如若損壞將坐船督戰大小各官回兵之日嚴加議處

今改為照地方官例議處

○十九年議准官兵民人等如有私鑄紅衣等大小礮位將失察之專汛官員革職兼轄官降四級調用該督撫降二級留任

今改為失察之地方官革職知府降四級調用道員降三級調用督撫藩臬降二級留任

又議准官員製造緊急軍需急用器物遲延不



行速完者革職。若遲延豫備軍需者降一級調  
用。○二十五年題准土司番蠻交界之處如有  
姦商將軍器販買與土司番蠻之人者係官民  
兵丁皆杖一百發邊遠充軍。如該管官知情故  
縱者與軍民一例治罪。如不知情者州縣官降  
四級調用。道府降二級留任。督撫罰俸一年。今增  
為該管官自行拏獲者免議有能拏獲  
販賣軍器者照拏獲私販硝磺例議敘○又議  
在各省備造需用盔甲器械戰船等項及有別  
項應用之處動支錢糧司道等官務須申詳督  
撫豫行題明動用如不申詳督撫豫為題明竟

行擅動藉詞軍機緊急竟造入奏冊請銷者將擅動司道等官革職其所用錢糧均不准開銷令其賠還代為奏銷之督撫降四級調用其司道等官申詳而督撫不行題明擅令動用者將申詳之司道等官免罪督撫照司道官處分例革職賠還惟有正在勦辦逆賊之際刻不可緩如軍需動用錢糧之事督撫司道等官一面具題咨報一面動用若不具題咨報擅自動用督撫司道等官各降五級調用其所用錢糧不准開銷令其賠還若司道等官並未申詳督撫而

督撫徑為題銷者降二級留任未經申詳司道等官各降五級調用申詳督撫督撫不行具題或擅令司道動用與司道無涉免其處分賠還將督撫照此例處分令其賠還其各省供應大兵俸餉米豆等項承管錢糧官員重支不行扣抵將承放官員不論重支銀數多寡降三級調用不行查報之司道等官降三級留任不行查出之督撫各降一級留任或司道等官或督撫查出免其議處其重領官員如將重領隱匿不行舉首者革職將重領銀米等項照數賠還不

行查出之統兵參領等俟回兵之日照乾沒侵欺司道府等官豫先不行查出例分別議處至一應製造採買等項如有冒銷侵欺事發皆照戶部軍前供應米豆草束浮冒開銷例議處○三十年議准凡交收戰船時武弁縱令兵丁人等藉端勒索使費道府等官通同徇隱照徇庇例處分今改為失察之道府等官罰俸一年如有通同徇隱者降三級調用○三十一年覆准各營放餉之時在省令布政使糧道在外府州縣令府州縣正印官將兵餉如數稱足會同封固按名散給仍令該督撫密委廉

員不時巡查。如有缺少扣剋等弊。監放官失察者。罰俸一年。知情不即申報者。照徇庇例降三級調用。如有通同扣剋者。革職提問。○又覆准武官內如有藉端科斂兵弁。以充私橐者。照貪贓例治罪。如督撫提鎮不行指叅。照不揭報劣員例處分。○又覆准各省督撫提鎮及副參遊都守家下。如果有熟諳弓馬精健人下。准其入伍充兵。倘有將薄弱不諳弓馬之人入營充數食糧。及不與本營額兵一同訓練者。照虛冒兵丁例革職提問。管兵官員將各營兵丁怠玩不

行訓練者該督撫將軍提鎮等徇庇不行數畧一併從重議處其督撫將軍提鎮若有不將本標兵丁不時訓練者亦從重議處○四十七年題准礮鳥槍等火器特為行團出兵行伍而設不得擅自私用儻有私藏火礮不行送庫者將失察之該管官罰俸一年○五十七年覆准督撫提鎮務須嚴飭各營該管官凡遇兵丁額缺從公速補應領糧餉照數給發毋得扣剋侵蝕冒充之人嚴查逐退如該管武職官員不嚴行稽查兵部照例議處外該地方文職知情不報

者降二級留任該管道府不查明轉報者降一級留任該督撫不行題叅罰俸一年○五十八年覆准水師修造戰船如有不肖營員希圖射利包修者將承修官與該營將官皆革職督修官照徇庇例降三級調用督撫降一級調用○雍正六年議准凡修造戰船不能堅固未至應修年限損壞者著落承修官賠修六分督修官賠修四分仍將承修官革職督修官降二級調用至修造戰船應於定限之外稍寬限期小修勒限四月完工大修拆造勒限六月完工廣東

福建浙江江南江西湖廣等省。凡屆修造年分。各該協營。於修期兩月之前。豫先估計。造冊申報督撫。一面具題。一面檄行監修官。豫先撥銀。即行辦料。惟廣東之瓊州。福建之臺灣。遠隔重洋。於修期四月之前。領銀備辦。山東天津所用物料。產自浙江。由海駕運。於修期八月之前。領銀購買。則承修之官。得以從容辦理。儻仍有違誤船工。違限未及一月。承修官罰俸一年。督修官罰俸六月。督撫罰俸三月。違限一月以上。承修官降一級調用。督修官罰俸一年。督撫罰俸



六月。違限二月以上。承修官降二級調用。督修官降一級留任。督撫罰俸一年。違限三月以上。承修官降三級調用。督修官降一級調用。督撫降一級留任。違限四月以上。承修官降四級調用。督修官降二級調用。督撫降二級留任。違限五月以上。承修官革職。督修官降三級調用。督撫降三級留任。如承修官玩視船工。將應領之帑延挨請領者。照遲延豫備軍需例。降一級調用。儻該上司等。故意抑勒。以致遲延者。將承修之官免議。其抑勒之該上司。照抑勒不收漕糧。

例降二級調用。如承修官將未經修完之船捏以完工轉報。承修官革職。督修官降二級調用。督撫降一級調用。如承修官申報未完。督修官作完申報者。督修官革職。承修官照限議處。如承修督修官申報未完。督撫捏報完工者。督撫革職。承修督修官照限議處。○十二年覆准。凡車輛運送糧米及裝載諸物。於回空時。驗明車夫人數。填寫印票。給予車夫進口時。繳票呈驗。官弁照票盤詰放行。如有夾帶私逃兵役。即行拏解軍營。仍將車夫照例治罪。儻該管官員不

實力奉行致有夾帶私逃一經發覺照守口各官不行盤查例罰俸一年。至該處稽查回空之車如驗無夾帶私逃兵役立即放行不得藉端抑勒留難。○又議准兵丁有竊帶餉米盜騎馬匹脫逃者其逃兵之嫡屬一經移會州縣不論本省鄰省務飭該地方官向家屬名下嚴追拐逃錢糧馬匹照數賠補還項仍令該州縣嚴究實情差役緝獲如該地方官以無關考成不行嚴究緝拏照軍犯私回不行查出例罰俸一年。○又覆准官兵馬匹截贖銀除在省督撫城守

標營務令按季扣清外其餘離省寫遠各營或因請領下季餉銀之時上季截曠銀未能清算扣除者皆隔一季銷算扣除完結如仍有拖延沈閣等弊該督撫等題叅將營員照虧空例議處司道照乾沒侵欺司道不行查出例降一級調用○乾隆元年覆准各省州縣鄉村有應用烏槍地方令民人照營兵烏槍尺寸製造具呈該地方官編號登冊以備稽查如有私藏不編號烏槍或私造烏槍發賣者將不行查出之該管官罰俸一年○三年覆准各省內河修造巡

哨船。比照修造戰船之例。量為減輕。如承修官  
逾違不及一月者。免其議處。一月以上者。罰俸  
六月。兩月以上者。罰俸一年。三月以上者。罰俸  
二年。四月以上者。降一級留任。五月以上者。降  
一級調用。督修官違限一月以上者。罰俸三月。  
兩月以上者。罰俸六月。三月以上者。罰俸一年。  
四月以上者。罰俸二年。五月以上者。降一級留  
任。督撫違限一月以上者。免議。違限兩月以上  
者。罰俸三月。三月以上者。罰俸六月。四月以上  
者。罰俸九月。五月以上者。罰俸一年。○二十四

年覆准地方有私造私藏竹銃者將失察之地

方官罰俸一年。今改為失察竹銃罰俸六月。失察鐵銃罰俸九月。○二

十九年覆准福建委員赴山東辦硝。東省派委

丞倅人員督同地方官協辦。以該委員到東之

日勒限十箇月辦足。報明東省起運回閩。如限

滿不能辦足。即由東撫查叅。將該委員降職一

級。協辦之丞倅地方官住俸。再限六箇月辦完。

仍逾限不完。該委員革職。留於東省採辦事竣。

押令運回。方許回籍。不准開復。協辦丞倅地方

官均降二級調用。另行委員協辦。○三十年奏

准各省額外外委千把總照經制原額添設一  
半。於兵丁內揀選拔補。如該督撫不於兵丁內  
選拔。濫將營外之人給予千把總委牌者。照徇  
庇例降三級調用。○三十七年奏准浙江省委  
員前赴江南河南二省採辦硝斤。定限六箇月  
運回。准其以到地之日報明。地方官起限。令該  
督撫飭令地方官協同委員採辦。並派丞倅嚴  
加督催。按依定限辦足運回。仍將委員到境運  
回各日期先行報部備查。如產硝之地方官不  
實力督同採辦。以及阻撓並硝戶將硝偷漏等

情許委員報明該管上司查催如委員不上緊採辦或有意延誤該地方官即稟報本省督撫查叅其江南河南產硝之地方官如有瞻徇延誤一任過期不行辦竣初限不完將該地方官住俸限四箇月趕辦完竣准其開復如再逾限降二級調用

今改為如有逾限將委員及協辦之水伴地方官均照福建赴山東

辦硝之處

○又奏准山西私礮山東江南河南私

硝不論出產與經過地方該管各官失察者照

失察私鹽例議處

今改為照失察小夥私鹽例議處

○三十九

年覆准嗣後如有私製藤牌者照烏槍例治罪



失察之地方官照失察鳥槍例罰俸一年。○四十年覆准各省營伍經

欽派督撫大臣查閱之時有以廢弛叅奏者係提鎮本標所管將備將該提鎮降二級留任係督撫本標所轄將備將該督撫降一級留任。○四十七年覆准各省地方民間舊有編號鳥槍令地方官查銷其有必須應用之州縣該地方官仍編號註冊以備稽查如有失察私藏不編號鳥槍及私藏鳥槍發賣者州縣官罰俸一年該督撫隨案聲明送部議處其業經查禁之州縣一

年內有失察私造私藏一次者降一級留任二次者降一級調用道府失察所屬一次者罰俸一年二次者降一級留任該督撫於年終彙摺具奏將職名開叅到齊時吏部列為一本議處具題儻地方查銷未盡有舊存編號烏槍發覺者亦照此例議處今改為失察二次以上者州縣降一級調用道府降一級留○五十一年議定軍營逃兵原籍原營地方官以接到軍營移咨之日起勒限一年緝拏限滿不獲該督撫按其名數分案咨叅一二名以上不獲者專管官罰俸九月兼轄統轄官罰俸

六月五六名以上不獲者專管官罰俸一年。兼轄統轄官罰俸九月十名以上不獲者專管官罰俸二年。兼轄統轄官罰俸一年。均再限一年。緝拏限滿不獲一二名以上者專管官降一級。留任兼轄統轄官罰俸一年。五六名以上者專管官降一級。調用兼轄統轄官罰俸二年。十名以上者專管官降二級。調用兼轄統轄官降一級。留任如承緝官未經限滿離任接緝官限一年。緝拏限滿不獲罰俸一年。督撫藩臬於接到咨文之日起統計所屬一年內獲不及半者藩

梟罰俸一年。督撫罰俸六月。均再限一年緝拏。一年內獲不及半者。藩臬罰俸二年。督撫罰俸一年。拏獲逃兵之印。訊明經過地方。不行查出之文武專管各官。罰俸一年。若有潛匿境內地。方官不行查拏者。專管官降一級留任。該管官司罰俸一年。若兵丁經別處拏獲。訊明該逃兵曾回原籍原營。該地方官未能查獲者。專管官降二級調用。兼轄統轄官降一級留任。督撫罰俸二年。○五十二年。覆准江南省每年應用營礦。於前一年委員赴山西採辦。統限五箇月往

回應用硝斤令徐州各屬採辦以發批到日為始限四箇月交營如有遲延照運送銅鉛遲延之例逾限不及一月者降一級留任一月以上者降一級調用二月以上者降二級調用三月以上者降三級調用四月以上者降四級調用五月以上者革職至辦硝之員藩司詳委後亦限一月內領銀起程如延至一月以上者照逾限五箇月例革職委解不慎之上司照運送銅鉛上司例議處產硝州縣有不實力幫同採辦以致委員逾限將該地方官一併叅處

今改照委員例

議處。僕藩司詳委遲延。亦即行查叅。今改照運送銅鉛上司例。

處議各省營所用硝磺。均照此辦理。○五十三年

覆准。臺灣地方。除熟番屯丁。應用器械。及民間  
菜刀農具外。將弓箭腰刀。撻刀。半截刀。標槍。長  
矛之類。一概禁止。僕有私藏寸鐵。並私造旗幟  
者。即從重治罪。地方官失察私藏私造。俱應照  
失察軍器例。分別議處。○五十九年奏准。臺灣  
兵餉。令臺灣鎮官於每年十一月內。覈明次年  
應抵應領銀數。造冊委員。限十二月內到省。藩  
司立時確覈。於開印後發文差員。限二月初旬。

運至廈門其接餉船隻亦限正月底二月初到  
廈三月到臺如有延緩查明何員遲延照遲延  
兵餉例叅處○嘉慶八年

諭向來軍營帶兵人員於所轄官兵有脫逃情事處分  
綦重此次勦辦教匪將屆七年官兵跋涉險阻晝夜  
奔馳異常辛苦此內私自潛逃者固所不免但亦有  
因受傷患病以致不能隨隊行走中途落後或傷病  
身故或遇賊戕害等情皆不可知並有該管之員派  
兵尋覓而尋覓之兵又因他故久無下落此與實在  
潛逃者其情迥異若因糧缺虛懸無著即以脫逃具

報軌將該管之員照失察逃兵例一律懲治則註議者未免漫無區別現在大功將歲各路官兵均次第凱旋著額勒登保等詳查各營內無著兵丁或實係攜帶物件私自潛逃衆證確鑿或拏獲之後審訊明確無可支飾者自應將該逃兵照律辦理其專管兼轄之官弁等亦屬咎無可寬均仍交部查議如該兵丁等實係落後有因不及歸伍查無有心脫逃情節均可毋庸深究其該管各員應得失察處分均著加恩寬免其虛懸名糧即一面先行募補以實兵額欽

此遵



有議定原籍原營承緝逃兵各員。如果查明該兵實係落後有因不及歸伍。並訊非有心脫逃情節。其原籍原營各員。准其與帶兵人員一體寬免。叅處。至報逃未獲兵丁。仍按初叅二叅立限。照本例酌減議處。俟逃兵拿獲投首後。如審係有意潛逃。仍照例補議。若實係落後有因。將該員弁等緝限查銷。其減等處分一併寬免。○十一年

諭兵部議將閩省陸路各營協請酌歸將軍統轄。一摺。著照所議。閩省除督標撫標提標各有專轄外。其餘陸路各營協均交該將軍一體統轄。其訓練操防各

事宜亦俱照所請辦理。惟所議尚有未周之處。臺灣  
遠隔重洋。向來該處營伍原有本省將軍總督巡撫  
提督分年親往巡閱之例。乃近年來該將軍等憚於  
涉險。因循廢弛。殊非慎重海防之道。嗣後該省將軍  
總督巡撫及水師陸路兩提督均著自本年為始。輪  
次親赴臺灣。將該處各營汛操防等事逐一認真詳  
細查覈。事竣專摺奏報。本年已有將軍賽冲阿渡臺  
督勦著於內渡時查閱具奏。將來該督撫等即挨次  
遵照辦理。務期訓練精純。操防嚴肅。用副朕整飭武  
備綏靖海隅至意。○十四年奏准貴州省古州屯軍

令各該廳員於每年十月至正月親身巡歷督率簡閱該管兵備。違仍不時委員稽察。如廳員不親巡各堡督率簡閱者。降一級留任。道員不委員稽查者。罰俸六月。○又奏准大兵緊要之時。遇有需用錢糧。督撫司道等官一面具題咨報。一面動用。若司道等官並未詳明。擅自動用一萬兩以下者。降三級調用。一萬兩以上不及五萬兩者。降四級調用。五萬兩以上者。降五級調用。督撫代為題銷者。降二級留任。如司道已經申詳。而督撫不行題明。擅令動用。將該督撫

卽照司道之例。按其銀數。分別議處。責令賠還。司道等官免議。○又奏准。地方緊要軍需。該督撫不及題咨者。行令該州縣。或挪公項。或墊己資。先行詳明督撫。於辦完軍需十日之內。卽照實價申詳院司道府。限兩箇月內覈實題銷。儻州縣報價不實。希圖冒銷者。將州縣官革職治罪。該上司通同弊混。不據實覈明者。俱一併革職。如並不知情。失於查察者。督撫司道降三級調用。若止申詳逾限。或題銷逾限。經戶部查明逾限月日。將遲延之員。照造報各項錢糧文冊。

遲延例議處。○又奏准司道府州縣等官如將應行解部之正雜錢糧米豆草束因緊急軍需需挪用不報明督撫奏降一級留任著令賠補賠完之日聽該督撫題請詳覈開復如挪用存留錢糧者免議。○又奏准領兵大員縱令官兵將良民廬舍焚燒擄掠子女財物該督撫隱匿不叅者俱行革職。○十六年奏准出征官兵除有不遵紀律欺壓良民肆行擄掠子女者按律治罪外其餘凱撤回營時沿途遇有良民子女並非逃失而官兵等强行攜帶即與擄掠無異係

官革職治罪。領兵之專管官失察者降二級留任。兼轄統轄官失察者降一級留任。若係知情故縱專管官亦革職治罪。兼轄統轄官俱降二級調用。其有攜帶逃失子女者。係官革職專管官失察者降一級留任。兼轄統轄官失察者罰俸一年。若係知情故縱專管官亦革職。兼轄統轄官降一級調用。子女給親屬領回。○又奏准軍營餘丁脫逃。訊明實有確據。該原籍承緝督緝各官俱照前例定議。若是否有心脫逃。尚無實據。係屬情節未明之案。將承督各官先行減

等議處如限滿一二名以上不獲州縣官罰俸一月府州道員免議五六名以上不獲州縣官罰俸三月府州罰俸一月道員免議十名以上不獲州縣官罰俸六月府州罰俸三月道員罰俸一月均再限一年緝拏限滿不獲一二名以上者州縣官罰俸九月府州罰俸三月道員罰俸一月五六名以上者州縣官罰俸一年府州罰俸六月道員罰俸三月十名以上者州縣官罰俸二年府州罰俸九月道員罰俸六月如承緝官未滿初限離任接緝官限一年緝拏限滿

不獲亦照減等例罰俸三月。仍俟緝獲逃丁。或聞拏投首之後。審係有心脫逃。再照前例補議。若實係受傷患病。落後有因。及或有中途被害情事。將減等議處。並限緝之案。概行查銷。○十七年奏准。地方官拏獲軍營脫逃額兵。每一名紀錄二次。如經過地方不行查出。將地方官罰俸一年。如失察潛匿在境。不能查拏。將州縣官降一級留任。府州罰俸一年。僅額兵曾經逃回原籍。州縣官失於查拏。後經別處盤獲。訊明逃回屬實。將州縣官降二級調用。府州降一級留



任道員。罰俸二年。督撫。罰俸一年。○又奏准。地方官拏獲軍營脫逃餘丁。每一名。紀錄一次。如經過地方不行查出。將地方官。罰俸六月。若失察潛匿在境。不能查拏。將州縣官。罰俸九月。府州。罰俸六月。僕餘丁。曾經逃回原籍。州縣官失於查拏。後經別處盤獲。訊明逃回屬實。將州縣官。降一級留任。府州。罰俸一年。道員。罰俸九月。○道光二年。奏准。兵丁缺出。該管武職不秉公速補。及冒充之人。不嚴查斥逐。准地方文員據實揭報。如州縣官不行揭報。降二級留任。府州。

降一級留任。道員罰俸一年。督撫不行題叅。罰俸六月。○又奏定。內河戰船。自新造之年為始。屆滿三年。准其小修。再屆五年。准其大修。又屆五年。仍准小修。此小修之後。再屆三年。如船隻尚堪修理應用。仍准大修。若果朽壞不堪。該督撫查明。保題到。准其拆造。○又奏定。外海戰船。自新造之年為始。屆滿三年。准其小修。再屆三年。准其大修。又屆三年。如船隻尚堪修理應用。仍准大修。若果朽壞不堪。該督撫查明。保題到。准其拆造。○又奏定。將不應修理船隻。限

前率請修理者。府州縣官降二級調用。轉詳之。

道員降一級調用。

由府州轉詳者。府州照道員例。

藩司降一級。

留任具題之督撫。罰俸一年。○又奏准山東登

州鎮水師營巡哨戰船。遇應修造之年。由東省

派委實缺州縣一員。前往江蘇上海縣監造。予

限一年。令各該督撫將委員起程及到江日期。

先行報部查覈。如該委員能於一年限內完工。

回東之日。聽該撫酌量升調。若扣足一年。尚有

逾限一月以上者。罰俸三月。兩月以上者。罰俸

六月。三月以上者。罰俸九月。四月以上者。罰俸

一年五月以上者降一級留任六月以上者降一級調用至工竣後航海駛回由登萊青道驗收如有偷減情事即行揭報題叅將該委員革職著賠儻該道驗收不實降一級調用○又

諭孫玉庭奏立限收繳私造烏槍並申明例禁酌寬處分一摺民間私藏烏槍恐致日久貽患自應加以重懲俾知儆畏惟是積習相沿一旦按拏治罪不免有滋擾累至地方官顧慮處分轉恐心存諱匿著通諭各省出示曉諭凡民間家有擡槍烏槍火器者予限半年准其赴官呈繳給價如逾限不繳除販私

兇關很仍按律加重治罪外其但止私造私藏一經查獲著於按律擬杖之外私造者加枷號兩箇月私藏者加枷號一箇月以示懲儆地方官雖平時失察如能遇案查拏連械起獲懲辦著即免其議處並著該部於例內添註其原例內應備不應備字樣即行節刪至近山濱海地方必應存留烏槍守禦者報明地方官於槍械上鑒刻姓名編號立冊存案地方官能於半年限內收繳淨盡並著各該督撫覈實記功註冊量予鼓勵○三年奏准甘肅循化貴德等處如有沿邊商販夾帶硝磺私賣與野番者將該管

地方各官。照販賣軍器例分別議處。○四年奏准官員修造軍需甲仗等項。捏報價值開銷者。將捏報之員革職提問。轉詳官各降四級調用。督撫降二級調用。能查出揭叅者。上司督撫均免其處分。如督撫藩司道府通同多算價值者。俱革職提問。○又奏准各省派委員弁赴別省採辦硝磺。遠省限十月辦完運回。如福建之赴山東辦硝近省限六月辦完運回。如浙江之赴河南辦硝鄰省限五月辦完運回。如浙江之赴本本省限四月辦完運回。如江南之在徐州府辦硝該委員俱以到採辦省分之日

起限該督撫卽飭令地方官協同採辦並  
丞倅嚴行督催按限辦足起運仍將委員到省  
及起運各日期報部查覈如限滿不能辦足卽  
由該省督撫查叅將該委員降一級留任協辦  
之丞倅及地方官住俸督催其原限十月者再  
展限六月原限六月者再展限四月原限五月  
者再展限三月原限四月者再展限兩月辦完  
如有逾限不完將該委員革職留任協辦之丞  
倅及地方官降二級留任該委員仍留該省採  
辦俟事竣運回之日扣足四年無過開復若該

委員並不上緊採辦故意遲延以致逾限亦由該省督撫叅奏即行革職亦仍留該省採辦俟事竣運回方許回籍不准開復○又奏准各省委員採辦硝磺完竣後依限運回交營如有在途遲延逾限不及一月者降一級留任一月以上者降一級調用二月以上者降二級調用三月以上者降三級調用四月以上者降四級調用五月以上者革職如沿途遇有阻滯實在不能趕運准其報明沿途地方官出結轉詳咨部以憑扣除○又奏准採辦硝磺之委員於藩司



詳委後定限一月內領銀起程如遲延一月以上者革職府州罰俸一年道員罰俸九月藩司罰俸六月督撫罰俸三月○又奏定修造船隻適因例價不敷許承修官詳請確估若不據實詳明任令匠役搭用舊料以致工程苟簡將承修官照不應重公罪律降二級留任督修官降一級留任查驗官罰俸一年○五年奏准破位被劫專管州縣官降二級調用盜犯交與接任官照案緝拏兼轄之府州廳員同城者降一級調用不同城者降一級留任統轄之道員無論

同城與否均降一級留任。○又奏准匪徒製造  
褲刀有雞尾鱔尾等項名目籍為格鬪行竊之  
用。若地方官查禁不嚴致有褲刀傷人之案。罰  
俸一年。自行查拏究辦者免議。○六年奏准官  
員出差赴任回籍除烏槍不准攜帶外。如有攜  
帶弓箭腰刀途中防護者。在京由兵部給票。在  
外取具該管上司及地方官印票。將所帶件數  
於票內註明。以備沿途查驗。俟到後一月之內  
將原票呈繳轉送原發衙門查銷。如有無票私  
帶或票外多帶及不繳還原票者。罰俸九月。○

七年奏准出產硫磺省分如有私販偷漏獲犯  
後訊明來歷係報部開挖之山私煎發賣者州  
縣印捕官失察一次降一級留任兼轄官罰俸  
一年未經報部開挖之山私行挖取煎賣者州  
縣印捕官失察一次降一級調用兼轄官降一  
級留任其沿途經過地方州縣印捕官失察在  
境販賣者降一級留任兼轄官罰俸一年若止  
失察經由並無販賣情事州縣印捕官罰俸一  
年兼轄官罰俸六月如係差役包庇將失察之  
該管官照約束不嚴例降一級調用兼轄官降

一級留任。自行拏獲究辦者免議。○又奏准出產硝斤省分如有私販偷漏獲犯後訊明來歷係囤積發賣者州縣印捕官失察一次降一級調用兼轄官降一級留任。係隨時零煎出賣者州縣印捕官失察一次降一級留任兼轄官罰俸一年。其沿途經過地方州縣印捕官失察在境販賣者降一級留任兼轄官罰俸一年。若止失察經由並無販賣情事州縣印捕官罰俸一年。兼轄官罰俸六月。如係差役包庇將失察之該管官照約束不嚴例降一級調用兼轄官降

一級留任自行拏獲究辦者免議。○又奏准私販硝磺匪徒拒捕傷人無論小夥大夥及攜帶器械與否統限四月題叅將州縣印捕官降一級留任府州罰俸一年道員罰俸六月俱限一年緝拏限滿不獲州縣印捕官照所降之級調用府州降一級留任道員罰俸一年均令照案緝拏。此指初叅限滿不能獲記及半者而言○又奏准私販硝磺拒捕傷人之案承督各官能於初叅限內獲犯及半者將州縣印捕官罰俸一年府州罰俸六月道員罰俸三月再限一年緝拏限內全獲免

其復叅限滿不獲州縣印捕官降一級留任三年無過開復府州。罰俸一年。道員罰俸六月餘犯照案緝拏。○又奏准叅限內犯經鄰境別汛全行拏獲承督各官即行減等議結如應降調者以照所降之級留任完結應降留者以罰俸二年完結應罰俸一年者以罰俸九月完結應罰俸六月三月者以三月一月完結若鄰境別汛獲犯未全仍照前例分別議處。○八年奏准順天府所屬州縣隨地出產硝斤令營汛員弁及官硝經紀向前煎硝各戶儘數收買其民間需

用之硝亦准其報明地方官買用。若有私相買賣印捕官失察不及十斤者罰俸一年。兼轄官罰俸六月。十斤以上者印捕官罰俸二年。兼轄官罰俸九月。五十斤以上者印捕官降一級留任。兼轄官罰俸一年。如係差役包庇將失察之該管官照約束不嚴例降一級調用。兼轄官降一級留任。自行查出究辦者免議。並令各州縣按月查明出賣收買細數填註循環號簿出結申送上司查覈。於年底彙冊咨部。如造冊遲延不及一月者罰俸三月。一月以上罰俸一年。半

一年以上。罰俸二年。一年以上。降一級留任。若造冊遺漏。罰俸三月。○又奏准各省協撥兵餉。如係應付大軍糧餉。協濟別省錢糧。或誤或遲者。經管之員。均革職。支給本省兵餉。或誤或遲者。州縣官降三級。司道府州降二級。督撫降一級。俱令戴罪督催。完日開復。○又奏准應解協撥兵餉。省分定例。將餉銀作為五分。每年以四月解二分半。九月全解。如未曾起解。該督撫誑以起解具題者。革職。至餉銀起解之後。照例於四月底。九月底。分析題報。該督撫不按月底題報。



者罰俸一年。○又奏准應徵兵餉錢糧不照定  
限於四月九月前豫將十分全徵者經徵官降  
二級調用督催之府州降一級調用道員降一  
級留任藩司罰俸一年督撫罰俸六月。○又奏  
准各省留充協撥項下或有因災蠲緩或部撥  
未到之先已應付別項正用或已解部在途或  
部中誤行重撥者准該督撫一面動支別項錢  
糧先行依限墊解一面將借動某項錢糧緣由  
聲明題報如不籌款抵解以致遲誤兵餉者該  
管之員革職布政司降三級調用督撫降二級

留任○又奏准各省部撥錢糧係關涉軍需者  
若限期緊迫不能送到督撫即豫題展限如擅  
改部限降二級調用○又奏准臺灣地方員弁  
給餉稽遲以致兵逃兵譁或將兵逃兵譁情由  
蒙匿不報及報不以實者俱革職若該管各官  
已將此等情由揭報而督撫不行揭叅降二級  
調用已經安定者免議○又奏准各營應領官  
兵俸餉米折等銀按州縣請領銀兩之例數在  
一千兩以上至一萬兩者撥兵一名民壯二名  
一萬兩以上至二萬兩者撥兵二名民壯四名

二萬兩以上者酌量派撥逐程護送並令於住宿處所添派兵役協同巡防如有疏失除承領之武職及上司由兵部議處外將沿途接護之地方官及該管之府州廳員道員均照疏失餉鞘之例議處其所失銀兩著落承領之武職分賠十分之六失事處地方州縣分賠十分之四如承領之武職力不能完著落原委之上司賠補○又奏准兵餉項下應扣截曠銀兩係月支者按月清扣其按兩月及一季兩季一支者均令按期清扣在司者由司扣存在道府廳州縣

撥用地丁關稅者。由道府廳州縣扣存解司。如道府廳州縣官不即解司。照批解正項錢糧遲延例議處。若有乾沒侵欺。該藩司不行查出者。降一級調用。○又奏准各省採買大軍應用米豆草束。俱照該省估定時價。如有於估價時多開者。原估官革職提問。轉詳之上司降四級調用。督撫代為奏銷。降二級調用。能查出揭叅者。上司督撫均免其處分。若督撫藩司道員府州等官。通同多算價值者。俱革職治罪。○又奏准民間運到米豆草束。州縣官刁難需索。或州縣

解到米豆草束司道府州等官刁難需索者俱革職提問。如被害之人已赴督撫前控告而督撫不接准糾叅者亦革職治罪。若督撫未經查出或被科道糾叅或被旁人舉首將該督撫降四級調用。司道府等官革職。○又奏准米豆草束等項解到軍營經收官刁難需索或不收本色勒捐折價者經收官俱革職提問。將軍及領兵大員並該督撫不行查出各降四級調用。司道府州等官並該管武員俱革職。○又奏准軍營滿漢文武大小官員以及

欽差部差官員筆帖式科道翰林等官自行販買米  
豆草束等項囑託地方官多取價值或將民間  
所賣米豆草束作為己物囑託地方官令其收  
買者俱革職拏問其有將馬匹囑託收買者亦  
照此例議處其經理採買之地方官聽受囑託  
徇庇收買者亦革職拏問○又奏准各省採買  
米豆草束等項地方官不給價銀或於部定價  
值內剋扣短少者革職拏問前項情弊若有出  
首之人訊問得實係職官照伊應升之品加一  
等優升係旗下民人授為七品官誣告者照律

反坐○又奏准大兵需用船隻地方官全無解到者革職解船短少者降一級調用該管官不行督催罰俸一年○又奏准兵船需用緯夫地方官不按站接替堵門相阻以致緯夫越站行走者革職提問如全誤不行解到者革職短少者降二級調用○又奏准大兵班師地方官將回空鹽船違例封解者罰俸一年○又奏准官員將應給移紮官兵口糧船隻遲延者罰俸一年○又奏准出征官兵有將逆犯家口攜帶者情節更重係官革職酌量從重治罪領兵之專

管官失察者降二級留任兼轄統轄官失察者降一級留任若係知情故縱專管官革職一併從重治罪兼轄統轄官降二級調用逆犯家口照律緣坐○又奏准出征官兵所帶跟役如有病故逃走必須在於經過地方典買民人使喚者務令告知帶領官員呈明將軍大臣再行典買若不行稟明私行典買人口係官照不應重私罪律降三級調用失察之專管官罰俸一年兼轄統轄官罰俸六月人口追出入官○又奏准凡沿邊沿海及腹裏州縣城池失陷者將守



土州縣官革職擬斬監候。同城之知府及捕盜官俱革職。擬軍。同城之道員及佐貳官俱革職。不同城之知府革職。道員降三級調用。兩司降二級調用。督撫降二級留任。其有兩縣分管一城者。以賊所入之地面坐罪。若本無城池及雖有城池。劫掠後隨即逃散。不係失陷者。俱不用此例。○又奏准姦細出入境內。不能查拏。州縣官降四級調用。府州降二級調用。其京城內外專責步軍五營五城司坊大宛二縣嚴拏。如被別項官員拏獲。卽照州縣例議處。○又奏准州

縣官將叛逆人犯及其父母兄弟妻子縱放脫逃者或逃逆未獲作為已獲有頂替情弊者俱革職提問轉報之上司俱降四級調用督撫降一級調用知情者俱革職○又奏准應行解部之逆犯家屬州縣官或聽其買贖或誑稱亡故者革職府州降一級調用道員降一級留任如止係起解遲延將州縣官降一級調用府州罰俸一年○又奏准各省通緝之叛逆人犯潛匿在境地方官知情藏匿者革職提問如奉文後未能查出以並無隱匿申覆後經發覺者係叛

逆首犯將州縣官革職府州降四級調用道員降二級調用兩司降一級調用督撫降一級留任係案內重要人犯州縣官降二級調用府州降一級留任道員罰俸一年係案內牽連軍流徒罪人犯州縣官罰俸一年○又奏准官員拏獲叛逆首犯由該督撫奏請送部引

見若交部議敘者即加二級係案內重要人犯每一名加一級係案內軍流人犯每一名紀錄二次係案內徒罪人犯每一名紀錄一次○九年奏准軍營額兵脫逃訊明實有確據該原籍承緝

督緝各官俱照前例定議。若是否有心脫逃。尚無實據。係屬情節未明之案。應將承督官先行減等議處。如限滿一二名以上不獲。州縣官罰俸六月。府州罰俸三月。道員罰俸一月。五六名以上不獲。州縣官罰俸九月。府州罰俸六月。道員罰俸三月。十名以上不獲。州縣官罰俸一年。府州罰俸九月。道員罰俸六月。均再限一年緝拏。限滿不獲一二名以上者。州縣官罰俸一年。府州罰俸九月。道員罰俸六月。五六名以上者。州縣官降一級留任。府州罰俸一年。道員罰俸

九月十名以上者。州縣官降二級留任。府州罰俸二年。道員罰俸一年。如承緝官未滿初限離任。接緝官限一年緝拏。限滿不獲。亦照減等例。罰俸九月。仍俟緝獲逃兵。或聞拏投首之後。審係有心脫逃。再照前例補議。若實係受傷患病。落後有因。及或有中途被害情事。將減等議處。並限緝之案。概行查銷。○又奏准承緝額兵。督撫藩臬亦以接到軍營咨文之日起。統計所屬。初叅限滿。獲不及半者。藩臬罰俸一年。督撫罰俸六月。均再限一年。催緝如再限屆滿。又獲不

及半者。藩臬罰俸二年。督撫罰俸一年。統俟所屬限滿之後。另行彙冊咨部。○又奏准隨征餘丁脫逃。原籍地方官。以接到軍營咨文之日起。限一年緝拏。限滿不獲一二名以上。州縣官罰俸三月。府州罰俸一月。道員免議。五六名以上。州縣官罰俸六月。府州罰俸三月。道員罰俸一月。十名以上。州縣官罰俸九月。府州罰俸六月。道員罰俸三月。均再限一年緝拏。再限不獲一二名以上。州縣官罰俸一年。府州罰俸六月。道員罰俸三月。五六名以上。州縣官罰俸二年。府

州罰俸九月。道員罰俸六月。十名以上。州縣官降一級留任。府州罰俸一年。道員罰俸九月。如承緝官未滿初限離任。接緝官限一年緝拏。限滿不獲。罰俸六月。○又奏准軍營額兵餘丁盜取糧餉馬匹脫逃。經軍營移知原籍令拏。該兵丁親屬追賠。州縣官失於查拏。罰俸一年。故縱者降二級調用。○又奏准官員訛稱親身招撫偽兵。呈請議敘。或雖有招撫而以少報多者。俱革職代為題請之員。降二級留任。○又奏准叛逆未滅。訛報已滅者。地方官俱革職。提問轉報。

之上司各降四級調用督撫降一級調用。十年

諭著各省督撫嚴飭所屬出示曉諭。凡有私藏火器者仍予限半年。勒令繳官。僅有逾限不繳。日後發覺者照舊例加等治罪。失察官亦加等議處。至擡槍更非民間應有。如有私造私藏者。照私鑄私藏礮位例治罪。失察官亦照失察私鑄私藏礮位例議處。至江南鳳潁淮徐毗連河南光州一帶。凡有演習刀槍長杆者。亦應一體嚴禁。該督撫等務當飭屬認真查辦。不許擾累閭閻。○又奏准官員能將本地興販濟賊之



人盤獲一名。究出夥黨者。地方文武各官俱免罪。免議。其拏獲本地販賣之人。十名以上者。紀錄一次。二十名以上者。紀錄二次。三十名以上者。紀錄三次。四十名以上者。加一級。五十名以上者。加二級。一百名以上者。加三級。儻地方官誣拏良民。指為興販濟賊者。照律反坐。○又奏定興販濟賊之人。經鄰境別汛文武官拏獲。除訊出本地該管官實係知情故縱者。仍照同謀律治罪外。若訊係實不知情。即照鄰境別汛獲犯之例減等議結。○又奏准臺灣道加按察使

銜例得自行奏事。責令每月將該鎮將營伍是否整飭兵丁曾否操演之處呈報督撫查覈。儻有營伍廢弛該道徇隱不報者革職治罪。○又奏准臺灣地方文職自同知以下有貪酷乖張情事該道府失於揭報知府降三級調用道員降二級調用。若徇隱縱容以致啟釁生事者革職治罪。如武職遊擊以下有貪酷乖張之員文職不告知提鎮者降一級留任。○又奏准臺灣地方民人不法許武員移送地方官究治兵丁生事亦許地方官關會營員責懲。如有彼此推

誅者。罰俸一年。有意徇縱者。降三級調用。○又奏准臺灣兵役。藉勾緝罪犯為名。或因催糧巡哨等事。抑勒良善。詐害閭閻。文武各官。有姑息徇庇等情者。革職。失於覺察者。降一級調用。○又奏准臺灣戍兵。包庇倡賭。地方各官。失察者。降一級調用。如徇情容隱。不呈報鎮道懲辦。即照知情故縱律治罪。受財者。計贓以枉法從重論。若已經呈報。而鎮道不為究辦。亦分別知情受財。按律定擬。○十三年奏准軍營額兵脫逃。係訊有實據者。原籍地方官。以接到軍營咨文。

之日起。勒限一年緝拏。限滿不獲。該督撫按其  
咨到先後名數多寡分案咨叅。一二名以上不  
獲。州縣官罰俸九月。府州。罰俸六月。道員。罰俸  
三月。五六名以上不獲。州縣官罰俸一年。府州。  
罰俸九月。道員。罰俸六月。十名以上不獲。州縣  
官。罰俸二年。府州。罰俸一年。道員。罰俸九月。均  
再限一年緝拏。限滿不獲。一二名以上者。州縣  
官降一級留任。府州。罰俸一年。道員。罰俸九月。  
五六名以上者。州縣官降一級調用。府州。罰俸  
二年。道員。罰俸一年。十名以上者。州縣官降二

級調用。府州降一級留任。道員罰俸二年。如承緝官未滿初限離任。接緝官限一年緝拏。限滿不獲。罰俸一年。○二十一年

諭前據御史董瀛山奏請查拏硝磺出境。當經降旨飭令各該省認真查禁。並令吏兵二部議定地方文武各員失察處分。茲據該部悉心酌議。開單呈覽。著即依議纂入則例遵行。惟現當勦辦喫緊之時。所有失察硝磺出境文武官各處分。雖係公罪。亦著不准查級議抵。○又奏定姦民興販硝磺。並無濟賊情事。按律罪止軍流徒杖。地方官拏獲鄰境興販人犯。

並將硝磺起獲者如數在一千斤以上者紀錄  
二次二千斤以上者加一級三千斤以上者加  
二級五千斤以上者加三級八千斤以上者送  
部引

見○二十五年

諭向來武職引見人員弓箭生疏降旨將原保官交部  
議處吏部議以降留兵部議以降調殊不畫一嗣後  
俱著定以降一級留任可否准其抵銷聲明請旨○  
咸豐元年奏准地方官拏獲鄰境興販濟賊人  
犯罪應斬梟斬決者每名加一級三名以上者

送部引

見。或人犯雖不及三名。而興販硝磺。實係濟賊。在一千斤以上者。亦送部引。

見。若獲犯三名以上。並將硝磺起獲在三千斤以上者。由該督撫指定升階保奏。○三年奏定。官役採辦硝磺。興販偷漏。並無濟賊情事。地方官能將該犯並硝磺起獲。如數不及百斤者。紀錄一次。百斤以上者。紀錄二次。一千斤以上者。加一級。二千斤以上者。加二級。三千斤以上者。加三級。五千斤以上者。准其送部引。

見○又奏准官役採辦硝磺私販夾帶重複販運關  
津渡口兵役人等有得規包庇該管官知情故  
縱者革職拏問不知情者革職○又奏定官役  
採辦硝磺興販濟賊出產地方印捕官及採辦  
委員並該管各上司均照姦惡商民將硝磺等  
物販賣濟賊例議處○又奏定官役採辦硝磺  
影射夾帶重複販運並無濟賊情事出產地方  
印捕官及採辦委員知情故縱者革職治罪不  
知情在百斤以上者革職府州降四級調用道  
員降二級留任督撫降一級留任不及百斤者



降三級調用。府州降二級調用。道員降一級留任。督撫罰俸一年。○又奏定官役採辦硝磺經過地方印捕各官並不悉心稽查任令放行如有印票不符及重複販運並夾帶情事別經發覺經過地方印捕官降二級調用兼轄官降二級留任如係差役得規包庇將失察之該管官降三級調用兼管官降三級留任。○七年奏定城池失陷州縣官如有棄城逃避情事責成該管道府等官一面詳報督撫一面就近飛速查拏解省審辦其或失於覺察致稽稟報即於該

員等本例應得處分上從嚴再議以降一級調用如係有心迴護延不稟揭照徇庇例再議以降三級調用如奉飭查拏輒敢徇縱不拘照知情故縱律革職提問如係查拏不力照重犯脫逃限緝無獲例即行革職其降調處分雖係公罪不准抵銷。九年

諭地方官失守罪名定例恭嚴前經降旨申諭不准藉詞開脫乃各省督撫及各路統兵大臣往往於賊陷城池之後率將失事各員藉端奏請留營效力以為隨同克復開脫罪名地步甚有失守時不奏至克復

後始行具奏者。殊非所以嚴法紀而肅官常。嗣後著各路統兵大臣及該督撫等。破除積習於失守地方文武員弁。隨時奏明。按律治罪。不准飾詞開脫藉口留營。○又奏准軍餉籌撥之款。戶部先期行令各省督撫豫為籌備。儻該省籌備不及。並不豫請改撥。以致臨時遲誤者。布政使降三級調用。督撫降一級留任。○又奏准籌解軍餉報部之款。不候部撥。擅行應付別項。有誤要需者。布政使照違例支給例降一級調用。督撫罰俸一年。○又奏准軍營需用糧餉。該藩司接准奉撥部文。具

批遴派妥員起解。如該藩司委解遲延。由戶部  
確查文到月日。指明嚴叅。違限一月以上。罰俸  
一年。二月以上。降一級留任。三月以上。降一級  
調用。四月以上。降二級調用。五月以上。降三級  
調用。半年以上。革職。○又奏准。應付大軍糧餉。  
戶部指撥有著之款。儻始終不解。屢催罔應。經  
督撫查明故意延宕者。布政使。照溺職例。革職。  
督撫有心徇庇。不行揭叅。降三級調用。如續行  
完解。即按照委解遲延本條議處。○同治元年  
奏定。姦細出入境內。實係地方官自行首先訪

拏者免其議處。如犯被鄰境首拏。本員僅止會同協拏。無論曾否接到鄰境知會。俱照例減等議處。改為降二級調用。若犯在本境潛匿住宿。後即逃往鄰境。由本境跟蹤首拏者。毋庸送部引。

見止准免議。協拏者。毋庸加級止准減議。若案被別處發覺。審明曾在本境潛匿住宿。本員並未跟蹤首拏。亦未協獲。仍照正例議處。○十二年奏定。兵丁滋事。武職袒庇。甚至有聚賭窩倡。誘賊招匪者。均比照臺灣苗疆之例。准由地方官關

會營員責懲。或告知提鎮懲辦。如奉行不力。即分別失察容隱例參處。○光緒十一年奏定。各省存儲硝磺火藥。如有虧短偷竊者。該管官照監守不慎之例降一級調用。再罰俸一年。令其賠補。○又奏定。各省存儲硝磺火藥。該管官並不加謹巡防。以致失火被轟。傷斃人命者。該管官革職。該管上司降三級留任。如僅止轟然餘藥。並無傷斃人命者。該管官降二級留任。該管上司罰俸一年。○又奏准。各省民間有私造私藏擡槍者。將失察之地方官及各上司俱照失

察礮位例分別議處。○又奏准官員修造軍營  
急用器物製不如式者革職。係豫備軍營需用  
器物不如式者降一級調用。如有偷工減料捏  
報價值開銷者該管官嚴參奏辦。○又奏准官  
員監造礮位務令選鐵精堅如式鑄造。儻製不  
如式及演放炸裂者監造官革職。統轄官降二  
級留任。